

Izjava OHR-a na konferenciji za medije međunarodnih organizacija

Scheffer i Solana u posjeti Sarajevu

Generalni tajnik NATO-a Jaap de Hoop Scheffer i Javier Solana, Generalni tajnik Vijeća EU i Visoki predstavnik za zajedničku vanjsku politiku i sigurnost posjetit će Sarajevo u četvrtak gdje će razgovarati sa BiH predsjedništvom, Vijećem ministara i predstavnicima međunarodne zajednice uključujući Visokog predstavnika Paddy Ashdown-a, Zapovjednika SFOR-a generala Virgil L. Packett-a i EUPM policijskog komesara Kevin-a Carty-a.

Gospoda de Hoop Scheffer i Mr Solana posjećuju BiH kako bi razgovarali o detaljima primopredaje između SFOR i EUFOR-a krajem godine

Kao što znate Vijeće sigurnosti UN-a je upravo produžilo mandat SFOR-a do kraja godine, navodeći u isto vrijeme da će EUFOR preuzeti sa početkom nove godine. Ovo je u skladu sa sveobuhvatnom politikom o sigurnosti u BiH koju je usvojilo europsko vijeće 17-18 juna 2004.

Povodom ove posjete biti će konferencija za medije u OHR-u u četvrtak u 14.30 te nakon toga još jedan medijski događaj u sjedištu EUPM-a u 15.25. Sve detalje o medijskim događajima dostaviti ćemo kasnije tokom dana u obavještenju za medije.

SDHR Fassier učestvuje na okruglom stolu

Viši zamjenik visokog predstavnika Bernard Fassier danas učestvuje na okruglom stolu u Sarajevu koji organizuje Institut za izvještavanje o ratu i miru. Na okruglom stolu će

biti analiziran negativan uticaj koji na BiH ima ostatak optuženih ratnih zločinaca na slobodi. Ambasador Fassier će ponoviti to da je obaveza BiH da u potpunosti sarađuje sa Međunarodnim sudom u Haagu. Devet godina nakon rata, dva najtraženija optuženika Radovan Karadžić i Ratko Mladić su i dalje na slobodi i blokiraju put BiH prema europski integracijama. BiH nije bila pozvana da se pridruži NATO-vom programu Partnerstva za mir zbog neuspjeha da ispuni međunarodne obaveze. BiH neće biti pozvana da se pridruži Partnerstvu za mir sve dok se ovo ne izvrši. Također, nesuradnja sa Sudom u Haagu ometa napore BiH da ispuni uslove postavljene u Studiji Izvodljivosti Europske komisije kako bi BiH mogla započeti pregovore o Stabilizaciji i pridruživanju sa EU. To je osnovno pitanje pravde – u državi u kojoj vlada pravo, zakon jednostavno ne može biti izbjegnut. Onima koji su optuženi za ratne zločine mora biti suđeno.

Ekonomski mjesecni bilten

Donio sam kopije OHR-ovog mjesecnog ekonomskog biltena. Ovaj bilten sadrži mjesecne podatke koji nude brzi pregled BH ekonomije. Izvještaj za ovaj mjesec pokazuje finansijsku poziciju BiH – jačinu valute i bankarskog sektora – koji ostaju jaki a što je osnovni preduvjet za ekonomski rast. Međutim zapošljavanje je slabo, a trgovnski pokazatelji i dalje ukazuju na deficit.